

李衛公別傳
板橋記
趙合傳
巴西侯傳

李林甫外傳
姚生傳
虬蜉傳
鄭德璘傳

韋鮑二生傳
柳歸舜傳
睦仁舊傳
小金傳

虬

蜉

傳

撰人不詳

中華書局

蚍蜉傳

此據古今說海本
排印初編各叢書
僅有此本

蚍蜉傳

有徐玄之者。自剡東遷于吳。於立義里居。其宅素有凶怪。玄之利其花亦珍異。乃營之。月餘。夜讀書。見武士數百騎。升自床之西南隅。於花甃上。置綰繖。縱兵大獵。飛禽走獸。不可勝計。獵訖。有旌旗豹韙。并導騎數百。又自外入。至西北隅。有帶劍操斧手。執弓槌者。凡數百。挈幄幕。簾櫳。盤饌。鼎鑊。者又數百。負器盛陸海之珍味者。又數百。道路往返。奔走探偵者。又數百。玄之熟視轉分明。至中軍有錯綵信旗。擁赤幘紫衣者。侍從數千。至桼之右。有大鐵冠。執鉞前宣言曰。殿下將欲觀漁於紫石潭。其先鋒後軍。并甲士執戈戟。勿從。於是赤幘者下馬。與左右數百。升玄之石硯之上。北設紅拂廬帳。俄爾盤榻。幄幕。歌筵。客席。畢備。賓旅數十輩。緋紫紅綠。執笙等簫管者。又數十輩。更歌迭舞。俳優之目。不可盡記。酒數巡。上客有酒容者。赤幘顧左右曰。索漁具。復有攜網籠罩之類。凡數百。齊入硯中。未頃。獲小魚數百千頭。赤幘謂諸客曰。予請爲渭濱之業。以樂賓。乃持釣於硯中之南灘。衆樂徒歌。春波引曲。未終。獲魴鯉。鱖鰣。百餘。遽命操膾。促膳。凡數十味。皆馨香。不可言。金石絲竹。鏗訇齊奏。酒至。赤幘者持盃。顧玄之。而謂衆賓曰。吾不習周公禮。不讀孔氏書。而貴居王位。今此儒髮鬢焦禿。饑色可掬。雖孜孜矻矻。而又奚爲。肯折節爲吾下卿。亦得陪今日之宴。玄之忽乃以書卷蒙之。執燭以藝。一無所見。玄之捨卷而寢。方寐間。見被堅執銳者數千騎。自西牖下。分行布伍。號令而至。玄之驚呼僕夫。數騎已至床前。乃宣言曰。蚍蜉王子。獵於羊林之澤。釣於紫

石之潭。玄之庸奴。遽有迫脅。士卒潰亂。宮車震驚。既無高共臨危之心。須有晉文還國之伐。付大將軍。蜚
 虹追過。宜訖以白練繫玄之頸。甲士數十。羅曳而去。其行迅疾。倏忽如入一城門。觀者架肩疊足。凡五六
 里。又行數里。見子城。入城有宮闕甚麗。玄之至塔下。有赤衣冠者。唱言追徐玄之至。蚩蜂王大怒曰。服儒
 服。讀儒書。不修前言。往行而敢肆勇凌上。付三事已下議。乃釋縛。引入會議堂。見紫衣冠者十人。玄之遍
 拜。皆瞋目踞受。所陳設之類。尤炳煥於人間。是時王子以驚恐入心。厥疾彌甚。三事已下議。請置肉刑。議
 狀未下。太史令馬知玄進狀論曰。伏以王子自不遵軌法。遊佚失度。視險如砥。自貽震驚。徐玄之性氣不
 回。博識非淺。况修天爵。難以妖誣。今大王不能度己。反恣智臆。信彼多士。欲害哲人。竊見雲物頻興。沴怪
 屢作。市言訛誠。衆情驚疑。昔者秦射巨魚而衰。股格猛獸而滅。今大王欲害非類。是躡殷秦。但恐季世之
 端。自此而起。王覽疏大怒。斬太史馬。知玄於國門。以令妖言者。是時大雨暴至。草澤臣蜚。飛上疏曰。臣聞
 縱盤遊恣漁獵者。位必亡。罪賢臣戮忠讎者。國必喪。伏以王子獵患於絕境。釣禍於幽泉。信任幻徒。熒惑
 儒士。喪履之戚。所謂自貽。今大王不究滿遊之非。反聽詭隨之議。况知玄是一國之元老。實大朝之世臣。
 是宜採其謀猷。匡此顛仆。全身或止於三諫。犯上未傷於一言。肝膽方期於畢呈。身首俄驚於異處。臣竊
 見兵書云。無雲而雨者。天泣。今直臣就戮。而天爲泣焉。伏恐比干不恨死於當時。知玄恨死於今日。大王
 又不貸玄之峻法。欲正名於肉刑。是抉眼而觀越兵。又在今日。昔者虞以宮之奇言爲謬。卒併於晉公。吳
 以伍子胥見爲非。果滅於勾踐。非敢自周秦悉數。累黷聰明。竊敢以塵埃之卑。少益嵩嶽。王得疏。卽拜蜚

飛爲諫議大夫。追贈太史馬知玄爲安國大將軍。以其子蜺爲太史令。賻卹帛五百段。米粟各三百石。其徐玄之待後進止。於是蜺詣宮門進表曰。伏奉恩制云。馬知玄有殷王子比干之忠貞。有魏中尉辛毗之諫諍。而我亟以用已。昧於知人。焚棟梁於將立大廈之晨。碎舟楫於方濟巨川之日。由我不德。致彼非辜。是宜褒贈其亡。賞延于後者。宸翰忽臨。載驚載懼。叩頭斷號。回心止泣。伏以臣先父臣知玄。學究天人。藝窮麻數。因通玄鑒。得居聖朝。當大王採芻蕘之晨。是臣父展嘉謨之日。逆耳之言難聽。驚心之說易誅。今蒙聖澤傍臨。照此非罪。鴻恩霑灑。猶驚已散之精魂。好爵彌縫。難續不全之腰領。今臣豈可因亡父之誅戮。冒國家之寵榮。報平王既非本心。効伯禹亦非素志。況今天圖將變。麻數堪憂。伏乞斥臣遐方。免逢喪亂。王覽疏不悅。乃退寢於候雨殿。既寤。宴百執事於陵雲臺曰。朕有嘉夢。能曉之。使我心洗然而亮者。賜爵一級。羣臣有司皆頓首敬聽。王曰。吾夢上帝云。助爾金。開爾國。展爾疆土。泊南自北。赤玉泊石。以答爾德。卿等以爲如何。羣臣皆拜舞稱賀曰。啓鄰國之慶也。蜺飛曰。大不祥。何慶之有。王曰。何謂其然。蜺飛曰。大王逼脅生人。滯留幽穴。錫茲咎夢。由天怒焉。夫助金者鋤也。開國者闢也。展疆土者分裂也。赤玉泊石。與火俱焚也。得非玄之鋤吾土。攻吾國。縱火南北。以答繫頸之辱乎。王於是赦玄之之罪。戮方術之徒。自壞其宮。以禳厥夢。又以安車送玄之歸。纁及榻。玄之夢覺。汗流浹洽。既明。乃召家僮於西牖掘地五尺餘。得蟻穴如三石缶。因縱火以焚之。靡有子遺。自此宅不復凶矣。